



Ombudsmandimi paasissutissat ilinnut tunngasut

Quppersagaq una immikkut saaffiginnissutaavoq,

- meeqqamut inuusuttumullu
- najugaqarfinni sumiiffinniluunniit ombudsmandimit pulaarneqarsimavut
- imaluunniit ombudsmandimut allagaqarsimavutit
- imaluunniit allamit allakkatigut ombudsmandimut eqqaaneqarsimavutit.

Paasissutissat ilinnut tunngasut tigunikuuvagut, taakkua ombudsmandip qarasaasiaqarfianut toqqorneqarsimapput.

Uani atuarsinnaavat,

- paasissutissat toqqukkagut susarpagut
- paasissutissat ilinnut tunngasut toqqortagut pillugit suna pisinnaatitaaffigiviuk.



Apequtissaqaruit ...

... imaluunniit paasissutissat ilinnut tunngasut toqqortagut takorusukkukkit, uunga sianerfigisinnaavatsigut:

+45 33 13 25 12

Suliamik sullissisoq ilinnut allannikoq apequtigisinnaavat, imaluunniit qarasaasiaqarnermi illersugaanissami siunnersuisorput. Aamma qarasaasiaqarnermi illersugaanissami siunnersorti allaffigisinnaavat uunga:

**dpo@ombudsmanden.dk imaluunniit
post@ombudsmanden.dk.**

Borger.dk aqqutigalugu illit allakkerivikkut, isumannaatsumik allaffigisinnaavatsigut.

Paasissutissanik ilinnut tunngasunik suliaqarnerput pillugu Datatilsynimut naammagittaallitigisinnaavatsigut:

Datatilsynet

Carl Jakobsens Vej 35
DK-2500 Valby

dt@datatilsynet.dk
Tlf.: +45 33 19 32 00

Suut

pillunga paasissutissat toqqornikuuisigit?

Allakkat nassiussagut tamaasa toqqortarpagut. Taamaattumik assersuutigalugu, allaffigisatta atia najugaqarfialu toqqortarpagut.

Allakkat uppersaatiillu tigusagut tamarmik assileneqarlutik qarasaasiatsinnut toqqorneqartarput. Aamma allakkat kommunineersut pisortallu oqartussaataannit allaneersut.

Qaqugukkut


paasissutissat uannut tunngasut toqqor-simasasi piiartarpigit?

Paasissutissat suliaqarnitsinni pisariaqartitsinerput tamaat toqqoqqasarpagut. Pisussaaffigaarput.



Suut

pillunga paasissutissat toqqornikuuisigit?



Pisinnaatitaaffigivat paasissutissat ilinnut tunngasut suut toqqoqqanersut paasissallugit – aamma allanit tigusa-gut, assersuutigalugu kommunimit.

Aamma tamakku takusinnaatitaavatit.

Ilinnit naammagittaalliut imaluunniit pillutit naamma-gittaalliut suliarisinnaajumallugu paasissutissanik ilinnut tunngasunik noqqaassuteqarsimagutta, assersuutigalugu kommunimit imaluunniit pisortat oqartussaataannit allanit, pisinnaatitaaffigivat paasissallugu, paasissutissat suminggaaneersut.

Taavami

uanga kissaatiginngikkukku paasissutissat uannut tunngasut toqqorneqasasut?



Isumaqaruit kukkuneqartut noqqaaffigalutalu piiassasugut imaluunniit iluarsisaqassasugut, tamanna pisinnaanersoq misissussavarput - naaggaaginnarsinnaanngilagut.

GDPR aamma ombudsmandi suli pillugit

Inummut paasissutissanik ombudsmandi katersillunilu suliaqarpoq

- innuttaasut ombudsmandimut naammagittaallortut pillugit
- naammagittaallortut saniatigut naammagittaalliuteqartut allat, naammagittaaliortoq eqqaasimappasuk, imaluunniit ombudsmandip naammagittaalliummik suliaqarnerminut atatillugu paasissutissanik katersineranut ilaatillugu
- innuttaasut pillugit nammineerluni suliamik misissu-isoqarneratigut, imaappoq, suliap misissuiffigineqar-nissaa nammineerluni qanoq iliuuseqarfigippagu
- piginnaassusiligaanini malillugu piffinnut nakku-tilliilluni misissuiartornerani, ilaatigut najugaqartut sulisullu pillugit.

Paasissutissat suliap suliarineqarnissaanut ilaatillugit, ombudsmandip qarasaasiaanut nalunaarsorneqartarput.

Paasissutissat suut katersorneqartarpat

Inunnut ataasiakkaanut paasissutissat, ombudsmandip suliamik suliaqarnerani pingaaruteqartut katersorneqartarput. Naammagittaalliummut ilann-gunneqarsimasut saniatigut, naammagittaallortumit pisortallu oqartussaaitaannit paasissutissanik katersinissaq amerlanertigut pisariaqartarpoq.

Naammagittaallortunut tamanut atuuttumik (aamma inuit allat taaneqartut pillugit) nalunaarsorneqartarput

- ateq najugaqarfigisarlu (kinaassutsimut paasissutissat).

Aamma paasissutissat suliami sammineqartumi pingaarutillit nalunaarsugaasarpot. Assersuutigalugu paasissutissat makkununga tunngassuteqarsinnaapput

- inooqataanermi atukkat pillugit paasissutissat
- aningaasaqarneq pillugu paasissutissat
- ilaqutariissutsimut tunngasut pillugit paasissutissat

- pissutsit atorfeqarnermut tunngasut.

Suliat ilaat paasissutissanik mianerisassanik imaqarsinnaapput, assersuutigalugu makkuninnga

- peqqissuseq
- ammip qalipaataa inuiannullu sorlernut ilaaneq
- suliffimmut atatillugu kattuffimmut sorlermut ilaasortaneq.

Suliat paasissutissanik pillarneqaataasinnaasunik imallit ombudsmandip aamma suliarisarpai.

Ombudsmandip inuttut normut (cpr-normut) nalunaarsortarpai, innuttaasut paatsuugassaanngitsumik kinnaassusersinnaajumallugit qarasaasiakkullu allagar-sisarfik aqutigalugu attaveqarfigisinnaajumallugit.

Ombudsmandip paasissutissat innuttaasup nammineq nassiussai aamma paasissutissat pisortat oqartussaaitaaneersut nalunaarsortarpai.

Ombudsmandip sulinera suliassaalu ombudsmandi pillugu inatsimmi aalajangersarneqarsimapput.

Inuit ataasiakkaat pillugit paasissutissanik nalunaarsuisarneq, katersisarneq, suliarinnittarnerlu ombudsmandi pillugu inatsit qarasaasiatigut paasissutissanik illersuinissaq pillugu peqqussummit aamma qarasaasiatigut paasissutissanik illersuinissaq pillugu inatsimmit tapertaqartinneqarpoq.



Ombudsmandip paasissutissanik nalunaarsuisarneranut suliarinnittarneranullu tunngaviusoq tassaavoq Ombudsmandi pillugu inatsit (lov om Folketingets Ombudsmand, tak. lovbekendtgørelse nr. 349, 22. marts 2013-imeersoq), databeskyttelsesforordningen (2016/679/EU) art. 5, imm. 1, art. 6, imm. 1, litra c aamma e, art. 9, imm. 1, tak. imm. 2, litra f, art. 10 kiisalu databeskyttelsesloven (lov nr. 502, 23. maj 2018) § 5, imm. 1 aamma 2, § 6, imm. 1, § 7, imm. 1, § 8, imm. 1, § 9, imm. 1 aamma § 11, imm. 1.

Paasissutissanik ingerlatitseqqiil-luni tunniussissarneq

Ombudsmandip paasissutissanik ingerlatitseqqiilluni nassiussinissani pisariaqartikkajuttarpaa, soorlu imaat-toqartillugu:

- pisortat oqartussaataat ataaseq arlallilluunniit suliaq pillugu oqaaseqaateqaasiussappata – taamaat-toqassatillugulu naammagittaalliutit assilinera paasissutissanik Ombudsmandip naammagittaalli-ummut ilanngullugit tigumasinnaasaanik ilaqartillu-pisortat oqartussaataannut nassitsisoqartarpoq
- naammagittaalliut pisortat oqartussaataannut ingerlateqqillugu nassiunneqartussaammat imaluunniit pisortat oqartussaataat suliaq pillugu ilisimatinne-qartussaammat
- Ombudsmandip allagaatinik takunnikkumalluni suliami noqqaassut suliarimmagu.

Inuk pineqarteq Kalaallit Nunaanni Savalimmiuni-luunniit najugaqarpat ombudsmandip paasissutissanik najukkami pineqartumi naalagaaffimmi pisortat oqar-tussaataannut ingerlatitseqqiilluni tunniussinissani pisariaqartissinnaavaa.

Ombudsmandip sulianik suliarinninnera tamarmi sulia-nik sullissisunit ingerlanneqartarpoq – imaaliillaannarl-uni aalajangiisarnertit (automatiske afgørelser) Ombuds-mandip atunngilai.

Toqqortaqarneq tamanullu saqqummiussissarneq

Paasissutissat Ombudsmandip suliassaasa naam-massiniarneqarneranni tamanna pisariaqarallartillugu toqqortarineqartarput. Paasissutissanik (suliamik) toqqortarinnittarnerup siunertarisaa tassaavoq naam-magittaalliortoq siusinnerusukkut naammagittaalliute-qarsimappat taakkununga isersinnaanissaq aamma sulianut assingusunut ujarlerfigineqarsinnaanissaannut.

Ombudsmandip allagai oqaaseqaataalu ataasiakkaat ombudsmand.dk-mi imaluunniit offentlighedsportalen.dk-mi aamma Retsinformationimi tamanut saqqummi-unneqartarput, taamaaliortoqartarporlu suliaq tun-ngaviusumik pingaaruteqaraangat.

Saqqummiunneqannginnerini inuit ataasiakkaat kinaas-susersineqarsinnaajunnaarsinneqaqqaartarput.

Ombudsmandip sulianik suliarinnittarnera pillu-gu paasissutissat allat Ombudsmandip nittar-tagani uani atuarneqarsinnaapput:
ombudsmanden.dk/findviden/publikationer

Databeskyttelsesforordningen aamma data-beskyttelsesloven pillugu paasissutissat amer-lanerusut Datatilsynet nittartagaani
www.datatilsynet.dk-mi atuarneqarsinnaapput.

Folketingets Ombudsmand

Gammeltorv 22
DK-1457 København K
www.ombudsmanden.dk
post@ombudsmanden.dk
Oqarasuaat +45 33 13 25 12